

լճանալով կը հոսի: Աստի շղթայն կերկարի Մանակներ, Չիչէքու (ծաղկանոց), Կօռէ, Բօզ-թէփէ, Աշան օղլի, Աղբուլախ (սպիտակ աղբիւր), Չամչէ, Մերկեզէր (դեղին մարգեր), Ախտայ, Թանդուրակ և Սինէկ, որք իրարմէ 1—2 ժամ հեռաւորութեան վերայ այս անուամբ բարձրացած են: Զրարաշխի շղթային վերայ իւրեանց զուխներն յցած և սոքա են որ արեւմտեան դաշտի հիւսիսային կողմն կիսաբոլորակ կը պատեն:

Մինչև Աշան օղլի շղթայն յարեւելս ուղղուած էր. յորմէ յետոյ մինչև Սինակ տակաւ առ տակաւ արեւելեան հարաւ դարձած, այնպէս որ Սինակ ընկած է արեւմտեան դաշտի (Ալաշկերտի) ուղղակի արեւելեան կողմն:

Սինակ և Գանտիլի գեռան (ոսկեա կամ կանթեղաձև լեռ) լեռան շարունակութիւնը կերկարի Ուզըլ գիւրէթ, Կօլկէնի¹, դէպի յարեւելս ձգուած են. Չիւրաւայ դաշտի հիւսիսն բռնած:

Մեր ձախ կողմից երկարացած շղթայի վերան գտնուած լեռներն, որք իրար շղթայուած էին և որք Բազրեանդայ հիւսիսն պատած. ամբողջապէս մեր տեսութեան ներքեւ են. այժմ դառնամբ մեր աջ կողմի լեռնաշղթային, որ Բազրեանդայ հարաւէն պիտի անցնի:

Մեր աջ կողմն՝ Շեռեան կամ խալեազ գետոյն նաև աջ կողմն կը բարձրանայ մի հսկայ լեռ Մէարգա-

ջուր տարած են Վաղարշակերտ, որ կը գտնուի 2—2 1/2 ժամ արեւելեան հարաւային ստորոտը:

1. Այս շղթայն բուն Բազրեանդայ, այսինքն արեւելեան դաշտին պատկանելուն առանձին հատորով պիտի խօսիմ սորա վերայ. որոյ համար մանրամասն չեմ ներկայացներ այս տեղ: